



Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

Caput II. In memoriam atque honorem passionis Christi, preces aliquas extensis brachijs, isóque corpore in crucis formam composito, pronuntiare.

[urn:nbn:de:hbz:466:1-47123](#)

C A P V T I I .

*In memoriam atq[ue] honorem passionis CHRISTI,
preces aliquas extensis brachijs, ipsq[ue] corpore
in crucis formam composto, pro-
nunciare.*

§. I.

*Eum inter precadum, corporis habitum, veteris Ecclesie
moribus receptum fuisse.*

Huc etiam pertinet id genus p[re]ij exercitij: quod ipse
Salvator suggestit ac mirifice commendavit B. Gertru-
di ejusq[ue] religiosis sororibus; ut nempe orantes expansis
L. 4, c. 16.
St. c. 15.
manibus, formam passionis sue D[omi]no Patri prætenderent,
pro emendatione totius Ecclesie, & in conjunctione illius
amoris, quo ipse in cruce pro nobis manus expandit. Quem
usum jam olim S. Pachomio familiarem fuisse, his verbis
traditur in ejus vita: *Consuenerat autem stans in oratione
manus expandere, quas per aliquot horarum spatiæ minimè col-
ligebat; sed extensione diuturnâ veluti cruci confixum corpus
retinebat immobile, & sic animum suum ad vigilandum in pre-
cibus excitabat.* Beatum quoque Ambrosium instantे mor-
te, ab hora circiter undecima diei, usque ad illam horam qua
emisit spiritum, expansis manibus in modum crucis orasse; testis
est Paulinus in ejus vita. Et sane primævos Christianos,
crucifixi in morem protensis brachijs, & manibus modicè
in cælum versus sublatis, preces fundere solitos; tum aliunde
apparet, tum ex antiquis Romanarum cryptarum seu ce-
meteriorum subterraneorum monumentis, manifestum est;
ubi passim videre licet, hoc orantium habitu picturâ expre-
ses sexus utriusque Christianos.

Et in hymno quodam de SS. Fructuoso Episcopo, ejusq;
socijs in medio flammarum constitutis, testatur Aurelius
Prudentius, membris illæsis, ijs excidisse vincula, quò libe-
ras palmas & brachia in morem crucis (ita enim loquitur)
ad Deum precando levarent.

Quare quod, Timotheo scribens, præcipit Apostolus,
de puris manibus levandis inter orandum; aut quod apud ^{1.} Tim. 2.
antiquos Ecclesiæ Scriptores legimus, Christianos expansis
manibus D E u M precari consuesse, prout nominatim de SS.
Virginibus Cæciliâ, Agneta, Agathâ, in ipsarum martyrij
Actis traditur; non sic equidem accipiendum existimet.,
quasi solas manus, & non etiam brachia protenderent, itaq;
scipios ad D E u M expanderent, prout loquitur Tertullianus ^{Infra, § 1.}
non uno loco: quod minus congruè dictum utique videre- ^{1. con. Marc.}
tur, si passis duntaxat, & verbi gratiâ ad pectus oppositis ^{¶ 23.}
manibus, non item diductis brachijs, & moderatè saltu-
prostensis, orassent.

Quemadmodum etiam, quod de Moysè inter oran-
dum manus levante Exodi 17. legimus, plerique Patres in-
cum sensum intelligunt, ut etiam brachia crucis habitu pro-
tenderit, & Salvatoris de hostibus suis per crucem victori-
am, Pròpheticò gestu atque imitatione prænuntiârunt. Ut
enim ait inter alios S. Augustinus: *Manus ad celum exten-*
dit, jam tum figuram crucis CHRISTI ostendens; ^{De s. hæres.} *ataque (ut lo-*
quitur S. Prosper) crucifixi instar exprimens. Quin & Jo-
nam in ventre ceti, sublatis in crucis formam manibus, ad ^{c. 3.} ^{Depromiss.}
D E u M orasse, & inde virtutem attraxisse de cælo, tradit.
S. Andreas Cretensis; cuius ista sunt verba: *Elevavit ali-*
quando Ionas vocem, manibus in crucis formam sublati, ^{Serm. 2. de} *& cruce.*
statim virtutem ex alto attraxit, sine noxâ ex bellua ejeñtus.
Denique fideles sui temporis inter orandum sic manus por-
rexisse, ut crucis figuram imitarentur, apertè tradit Minu-
tius Felix ita dicens: *Crucis signum est, & cum homo porrectus In Ostatuio.*
manibus DEV M purâ mente veneratur. ^{In Ostatuio.} ^{Prc.}

E. T. Strom.

c. 4.

cap. 30.

Eam. 13. de
cruce.

Precabantur igitur extensis brachijs veteres Christiani; sive eo gestu se desiderijs in cælum tendere (quò simul oculos intendebant) significanterunt; & quodammodo quasi alius expansis illuc volare gestirent: quam etiam istius ritus causam adfert Clemens Alexandrinus, addens ea propter, non tantum manus aut caput in cælum extendisse, verum etiam in ultima orationis acclamatione, hoc est (ut interpretari possumus) cùm ad solemnis orationis clausulam, *Amen* de more responderent, pedes excitasse, sive sustulisse à terra; quasi profiterentur se in cælum iter affectare, & ad illud promptos atque accinctos esse.

Sive (quæ altera est antiqui ritus, quem hic tradimus; ratio) eo corporis habitu prisci Christiani sese Domino suo conformantes, paratos atque expansos sese ostenderent ad ipsam crucem, & velut re ipsâ nudum peccatum corpusq; expeditum persecutorum telis atque tormentis, obijcerent. Istam namque utramque causam proferre videtur de hoc ipso argumento agens Tertullianus in Apologetico, dum ita loquitur: *Illuc (scilicet in cælum) sufficientes Christiani, manibus expansis quia innocui, capite nudo, quia non erubescimus, precantes semper sumus. Et infra: Sic itaque nos ad DEVUM expansos ungule fodiant, crucis suspendant, ignes lambant, gladij guttura detruncant, bestie infilant: paratus est ad omne supplicium ipse habitus orantis Christiani.* Expressius demum in rem præsentem libro de Oratione cap. ii. *Nos vero (inquit) non attollimus tantum (manus scilicet) sed etiam expandimus, & Dominicâ passione modulantes & orantes confitemur Christo.* Hæc Tertullianus.

Postremò etiam ad ipsam crucis imitationem & representationem respexisse, disertè testatur S. Maximus his verbis: *Ideo elevatis manibus orare precipimur, ut ipso quoque membrorum gestu, passionem Domini fateamur. Tunc enim citius nostra ex auditu oratio, cùm CHRISTUM, quem mens loquitur, etiam corpus imitatur.*

§. II.

§. 2.

Eundem usum in mores nostros meritò revocari posse.

P Otes igitur, mi Lector, ad alendam in te Dominicae passionis memoriam; sive privatim, & præsertim sub nomine priusquam cubitum concedas; sive etiam publicè, ubi id mos loci permiserit, ut in Religiosis cætibus, laudabilem illam primorum Christianorum religionem æmulari: nec sine ævi posterioris exemplis.

S. Franciscus (ut refert S. Bonaventura) aliquando inventus est, de nocte in silvis orans, extensis in formam crucis manibus, sublatus à terra, & nubeculâ fulgente circumfusus. S. Ludovicus Tolosanus Episcopus, etiam adolescens solebat Passionis Officium expansis brachijs pronuptiare. Venerabilis Maria Raggia ex tertio Ordine S. Dominicæ, priusquam lectulo se traderet, brachijs itidem ad modum crucis protensis, quinques Orationem Dominicam & Salutationem Angelicam recitabat, pro ijs qui in extremo vitæ discrimine versarentur.

Mirabile magis quod de S. Homobono Veronensi civi proditur: qui appropinquante sui transitus horâ, cùm in Ecclesia Missæ sacrificio interesset, & ante crucem flexis genibus Deo supplicaret; ad hymnum, *Gloria in excelsis DEO*, drepente manibus in terra extensis procubuit, & nemine sentiente, feliciter ad Deum migravit. Ita Surius in vita.

Denique hoc in genere fidem propè superant, quæ S. Petrus Damiani de S. Dominico Loricate refert, extensis manibus præces prölixissimas & psalteria tota recitante; eodemque, miris & insolitis alijs artibus, C H R I S T U M D o m i n u m imitandi studio, corpusculum suum divexante: ut ei meritò vitâ ejus extremâ id elogij idem S. Petrus adscriperit: *Tota hec vita facta sibi Parasceve crucis: illic autem cap. 19.* eternam celebrat gloriam Resurrectionis.

P

C A P U T . III.

ROY

40. 10
T. 20. 10

VI